尚 書 集 注 述 疏

之失誣其 逸書多十六篇惜不終立之也晉|永嘉之亂|而古文亡矣東晉 也執漢學之失其誣三也昔者漢孔氏安國獻古文尚書此 **燔書時所壁藏者也其爲伏生壁本今文所有者**] 馬鄭古 者也宋朱子不旣疑於東晉古文哉蔡氏沈受朱子之命而 書集注述疏 者 子曰人其國其教可知也其為人也疏通知遠書教也故 其誣 罪小傳可從 文本也而其餘則偽者二 孔傳古文尙書其爲今文所有者自大誓而外皆取諸 為 有三馬東晉偽古文其誣一 人也疏通知遠而不 而可違者也偽經之罪大經可從而不可違 十五篇蓋經附傳 誣則深於書者也今之 也書序孔子作其誣 一十九篇其 而出焉偽

之言也大誓武成 書傳也固疑之矣故其爲牧誓 其與舜者 堯典言舜以百揆命禹禹讓于稷契暨皋陶百揆者臣位 全書乎蓋疑其有偽者也特未皆辯之明爾今之 何以使天下明偽古文之亂經而賊道哉偽大禹謨言 偽之所從出矣然辯偽如惠氏循謂偽古文於大義無乖 也故堯典言堯讓四岳帝位岳不受岳雖知有舜不以 而讓之舜之帝位惟舜可言讓之禹不得以舜之帝位讓 于德曷當言 述 碰 寒 卷 首 以帝 禹以舜之帝位讓皋陶是以帝位等臣位也是 命 而舉之也非白岳護之也其後言堯護 篇之中似非盡出於一人之口豈此獨 舜譲于何人哉低大 傳日此與湯誓 相 裏真。 也

市事表主 心机厂公山 父以爲有苗之不若也顧氏謂此非人臣所宜言也皆誣也周 語稱書日民可近也而不可上也反而言之是民可下也易 **有不誠者乎偽大禹謨言益贊于禹者欲禹感苗民乃以舜感** | 艘為 功臣 吳公子光云吾聞之日作事 雖 既獨讓皋陶則皋陶在諸 可下反而言之。是民可上也則悖矣。不其害哉。是誣也左 禹讓 可卜而讓之則其先獨讓皋陶非禹之誠也 解而日至滅感神别茲有苗是盆 下賤大得民也卽可近之義也僞五子之 以諸功臣皆可 丽 帝未俞之禹何不再言皋陶而乃言枚 讓帝位也者則其先何爲 功臣之上。與所謂義鈞從卜者異 ,威克其愛雖小必濟間氏以 爲舜臣而后天子 <u>-</u> 歌曰民 M 聖 **|** 獨 功臣 緍

天 之 有九有之師此襲禮緇衣所稱尹吉者而竄之也然則伊尹貪 則不 矣是誣也孫子日卒未親附而罰之則不服已親附而罰不行 也左傳日。楚子伐陸渾之戎遂至於雒觀兵于周疆此楚之 臣也史記言楚子伐隨而日我有敝甲欲以觀中國之政觀政 允征日威克厥愛允濟愛克厥威允罔功則以所聞者爲書解 偽成有 觀兵也史記言武王先伐紂二年 于商以史記之誣誣之也左傳以兵諫爲愛君春秋之邪 功以爲己力乎將伊尹亦 用此威愛所宜兼濟也豈古之書辭而不及兵家言邪。 德 愛之言而謀逆如 日惟尹躬暨湯咸有 有九有而與揚共天下乎。是誣 一德克享天心受天明命以 而東觀兵矣偽大誓日 觀

行为国际上 中北 人名马 天吏也孟子稱大誓日天視自我民視天聽自我民聽故救 奉之爲天子故柴祭天也。僞大誓曰。類于上帝。是始事伐紂。武 之野。武王之大事也。旣事而退。柴於上帝。蓋武王旣事。則諸 告于上天神后。請罪有夏此襲論語所稱揚祭上帝者而竄之 者豈以諸侯而祭天妄爲應天者邪僞湯誥日敢用元牡。 夫人心者天命之實也。其應乎人者皆其順乎天也。孟子所 以諸侯而祭天也是誣也易言湯武者日順乎天而應乎人 亦誣也祭上帝者天子之禮將伐桀而祭上帝是湯先自爲 子也。孟子何以言非富天下也論語所稱者。墨子引之稱 程子以爲今日而天命絕則紂獨夫也伐之何待三年。今日 天命未絕則紂君也武王爲臣敢以兵脅君乎禮大傳曰敦

罰不言祭天也婚論語言天厭之。又言獲罪於天皆以天道言 變夏禮也。猶周人牲用騂而其詩言興雨者。則日來方禋祀以 殷 孫某侯某。詩言武王之興日。矢于牧野。維子侯興蓋伐紂時 祭天者。禮 其騂黑也。然則禱雨之說。非將伐桀而祭上帝也故湯誓曰。 於天也。周官大祝六派,其六日說今湯說猶金縢之說也。禮 湯說其湯說有今天大旱之辭蓋湯旣克夏大旱七年而禱 作 電インドンスロー 名音 稱王也。僞武成曰。医商之罪。告于皇天后土。所過名山)非祭天而爲是言也故禮言祭天詳矣而禮無將伐桀紂! 人牲用白。今用元牡者。蓋元之色黑則水也。禱雨故也。非未 帝。不敢不正不言祭上帝也牧誓日。今子發惟恭行天之 別 嫌疑。其義精也。曲體言諸侯日。臨祭祀。外 事日曾

是貧商也則武王之志荒矣。樂記稱孔子之辯武音者循是也 民作孝。大誓日子克紂非子武惟朕文考無罪。紂克子。非朕文 **舰辭則無追加之者也。禮坊記日子云。善則稱親過則稱己** 介辟如 臣之解是導諛也是誣也閻氏曰。導諛中主所不爲而謂三代 大醬爲人 陳日、爾有嘉謀嘉猷、入告爾君于内。女乃順之于外。日此謀 考有罪惟予小子無良。子云。善則稱君過則稱已則民作忠君 惟我君之德於乎。是惟良顯哉。蓋君陳爲人臣愛君之辭循 日周王者史追加之爾夫牧誓稱王日者。史追加之也此爲 有道曾 成 孫周王 王爲之乎。偽畢命日。嘉續多于先王。此美子孫之臣。 子愛親之辭也今僞者以成王告君陳則爲人君 一發將有大正于商是誣也。將伐紂而武自 則 此

卽 之也此荀子言性惡以詆孟子者也今僞君! 本然孟子所謂我固有之也。所謂性善也。僞君牙曰。民心罔中。 何能從 祖者。 訓以成 成王之祖也雖誥稱周公告成王曰。承保乃文祖受命民然 先王 爾之中。僞孔傳謂民心無中。從汝取中也。夫民心苟無中。 而偽焉則誣民也。夫伏生今文無書序也。今謂孔子作書序。 成王告蔡仲。當言我文祖矣。僞蔡仲之命日。率乃祖文王 矣哉。朱子謂其爲周秦閒人作也。蔡氏從而辯之。大義章 而自多。非善則稱親 誣其祖也。左傳日。民受天地之中以生。蓋中者民心之 汝而取中乎有子日。人之性固無禮義故彊學而 王而稱文王日乃祖。旣無美稱。且若成王與蔡仲 也亦 誣也 蔡仲之祖文 牙。以荀子性惡 王. 也。

爲大甲以孫繼祖湯沒而大甲立爾元年湯以元年十一月崩。 りまたとしてに「べんこう 湯之典刑。序曰成湯旣沒大甲元年。不其疏乎故僞伊訓曰惟 者何哉孟子日湯崩大丁未立外丙二年**仲壬四年**大甲顛**死** 以啟之賢征有扈之無道征伐自天子出也序日與戰若敵 政與鄭戰于繻葛猶書王伐鄭不日與戰者以存天下之防也。 日大戰者甚有層之辭也。序書者宜若春秋筆然春秋桓王失 于甘之野,天王師大戰。不可以言與戰也。誣啟之不競也蔡氏 元祀十有二月乙丑伊尹嗣于先王奉嗣王祗見厥祖偽太甲 矣甘誓日,大戰于甘猶易所謂龍戰于野也。序日。敢與有扈戰 口惟三礼十有二月朔伊尹以冕服奉嗣王歸于亳蓋僞者以 序

從序者而序有失焉故漢學之失有因序而爲誣者矣。君奭 改元。是一年二君也。是今君忍死其先君也曾謂伊尹爲相 孟侯。朕其弟。蓋康叔武王之弟。此武王封康叔而誥之也康 明也序日召公爲保周公爲師相成王爲左右召公不說周 也公羊傳日綠終始之義一年不二君今於先君崩年而卽 在家不知在家者退老也。此周公留召公在國以知事。据經而 有是乎。 則偽古文因序之疏而益其誣也然漢學如馬鄭無不 君奭謂之不誣不可也而馬鄭皆從之不有蔡傳不使周 不察而以爲成王封康叔之書。失之者大矣康誥稱王若 大邑于東國雒又日乃洪大誥治其爲雒誥之首可知也序 老終古皆疑乎康誥之 ~ 首蘇氏謂維誥脫簡者是也經日。

王克商成王定之選建明德以藩屛周。其必自武王而及成 王封之則曰王叔父也非王母弟也非叔也故伦之言曰。昔武 权而言日三者皆权也蓋叔者母弟之稱也魯衞武王母弟。晉 **伊弟也视佗言康叔分物命以康誥而封於殷虚且參周公唐** 其 辯乎此亂賊託焉漢王莽說之曰。此周公居攝稱王之文也。何 王若曰者此周公奉成王命而東征也鄭氏曰。王周公也周公 蓋有繇也古之稱王天子也非後世所謂諸侯王也大誥 **融之甚也以左傳稽之楚子革言分物之繇日晉及魯衞** 諸侯故日孟侯。康叔於成王叔父也非弟也謂問公以成王 王毋弟也。夫以衞爲王毋弟。分物以封。則武王封之也。若成 則旣爲成王之言何又以弟稱之蔡氏所繇辩序也不

得託於序也其可平禮之為記雖猶有失然記者初非偽經 書教者宜明也書教宜明則孔子所謂其國教者宜明也體 邪凡若此者皆三誣之宜去者也故必去其三誣則孔子所謂 公之攝位也。周公攝政。非攝位也。解釋大誥之誣因康誥序爲 也夫君幼而臣攝政則可攝位稱王則不可春秋所以不書隱 王哉王莽擬大誥為攝皇帝若日之文胡爲乎鄭不戒於莽賊 古文雖不得僞者之主名亦以春秋誅不得名之賊誅之 子之意求漢學之是以明孔子之書。辯序而察之。使僞古文不 也今江八。王氏孫氐於此皆從鄭馬非執漢學之失而不辩 攝命大事則權稱王也嗚呼周公爲臣可居攝王 經漢史循以春秋誅僭王者誅之况乎其偽經也今偽 一位而

之。則齊物雜乎盜物。而爲之不尊也。奚若執盜誅之。而還濟 矣。今有灋物。而盜竊焉。好古者欲觀灋物與其從盜之家而觀 萬世之公義將以俟後之效之者也夫孔子以書敎知其國敎 於其主迺從其主之家而觀之然後見灋物皆煥然如初也。 孟子日。是集義所生者非義襲而取之也。行有不慊於心則餒 **高宗純皇帝定四庫書凡辯僞古文者無不采錄蓋以經義者** 矣偽者或爨尙書逸文而窳之。其佗百家。亦雜采焉。彼徇偽而 丁華巨 医多克里人 者雖所襲之義而旣在僞古文也則皆失其浩然之氣者何也 雜采而義者。於所襲百家之書而明之。則其義亦豈遺乎。夫僞 而明之則其義之襲逸文者皆存乎其閒而於彼何所遺也其 不去者豈不以懼遺所襲之義遂忘所竄之非義欺今萃逸文

矣。兵居八政之終。非以爲可後也。所以成諸政之終也雖然。兵 謀檢人之面。則政不立而兵不彊,用吉士之心,則政必立而 徵之於人。非人無以立政非政無以用數也故八政八曰師。 表。罔有不服。言能官人以立政者,其兵能若此也此非堯典古 必 彊 故 立 政 日 其 克 詰 爾 戎 兵 以 陟 禹 之 迹 方 行 大 下 至 于 海 者兵也無長則諸政必亂食貨皆可奪。而四海之賓者將不賓 美禹貢可以觀事皋陶謨可以觀治鴻範可以觀度六誓可以 不可後。而徒言兵不可也。立政者能官人以立政其兵遂彊 餘則可以推矣。鴻範者通皇極於四海者也。紀天之數而無 觀義五語可以觀仁。甫刊可以觀誠蓋七觀皆觀國之光也其 者。於何爲而觀其深也乎。大傳稱孔子謂顏淵日。堯典可以

史記言成王誅武庚。乃命微子代殷後奉其先祀蓋微子去之 為臣僕也雖在朝鮮終身稱箕子焉爾箕子者故商之封也則 箕子走之朝鮮。武王因以封之。蓋箕子未嘗受封也所謂我 與哉絲是推之書敎所以繫於其國也故釋書者不可不慎也 其歸 **羆之士不二心之臣保人王家皆此意也文侯之命苟不徒** 大傳言箕子受封。以臣禮朝周者。非所以敎忠也此一人之說 卒得之爲客而封宋也則史記謂武王克殷徽子持祭器造軍 柔違能涵者乎皋陶 其言柔遠能邇也日張皇六師其言昔君文武也。日則亦 がより世でよりとしていると 面納膝行而前者非所以教孝也大傳言武王釋箕子之 視爾師而平王與文條謀六師而立政也東周豈不可復 謨以知人而安民莫安於此矣顧命之 有熊

義矣爾雅日食偽也此左傳食言之義也孫氏執之謂偽古通 從之是不知堯典咨收道在養民當教之以重民食也尚 爲以釋堯典食哉惟時。而於蔡氏釋以孟子不違農時者。反 民之詩。今可效也。金縢日。王亦未敢謂公蓋示天下以成王 行者弗曉古文讀應爾雅故解古今語而可知也是矣然爾雅 經無欲消之文而鄭添之則成王不疑周公之心無以白於天 下矣漢志日。書為古之號介號令於眾,其言不立具。則聽受施 明足以爲教也鄭以欲誚未敢釋之。欲之爲言於經病添文也 說經者雖添文以明經義而於經實無添文。孟子稱孔子釋烝 且古說也猶得失半之。不皆古義也。則擇羣言者。可不愼乎。凡 名數義或不備馬非旁通佗經案之本文將失其大

集注述疏凡尚書經二十九卷。逸文三卷冠之卷首附之卷末 皆通必知諸經有逆而倒敘斷而遙接之文然後雒誥之義皆 之矣使取其長婚今本論語合古文齊魯之長也今自雒誥之 之者甚微。今幸循有所据。皆復其始也。今古文異流同源宜通 通必知諸經有因時變稱之文然後顧命之義皆通義在文中。 或疑其譌且脫者。以爲壁本之殘或牽於偽孔傳序。以爲伏生 首脫簡而外。諸篇皆無脫簡。亦無關文惟稽其篇次稍失之爾。 文梅本其爲今文所有而取諸馬鄭古文本者二十八篇其讀 八爲文之灋也故必知諸經有代爲設辭之文然後梓材之義 「傳之失也或以爲佶屈聱牙。遂不致於諸經而不知古聖賢 |門以經學稱文學者。謂斯文皆斯道也。朝亮不敏。謹爲尙書 **静集生企流平** & 前 L

後馬禮曰。毋勦說。今之所集。皆述也。敢勦說乎其純宋之則名。 異文異說之要於疏存之。徵引則取其義之著者義同則取: 采之若亦名焉。將必錄而辯之。則蕪矣。此孔子所以述而不作 淵仲弓之問仁。其語皆然。與所稱周任之言者不同也。其不純 穆姜而不名今孜於傳蓋不純宋之.且或爲公言也。論語答顏 **高其大暫逸文澤次二十九卷中。存二十九篇之略也。書序辯。** 皆爲文言也朱子稱蘇氏釋書之文以爲過人蓋知言矣後世 其不純采之與或爲公言則不名無非述者易文言四德宋之 附卷末上。偽古文附卷末下。欲其備攷也。偽逸文。則附偽古文 **言經言不悉文或苦其蕪今不敢不戒之也凡要義於注登之** 下都爲三十五卷其明今古文之傳者。詳卷首尚書大名下

寒東南也齊也者言萬物之潔齊也蓋說八卦皆然僞孔傳非 THE ME TO LET ALL THE PARTY OF 朱子四書注之例也古經善文或句中有圖今疏後或附圖能 亦誅絕之也非鄭棄鄧析而用其竹刑如左傳云也其僞傳之 不多所襲也討其所襲之義。復其所襲之名。而注不登僞孔矣 誥以圖及獻卜之義也。疏原其始前人之注。後人疏之其注而 帝出乎震齊乎異而又自申之日帝出乎震震東方也齊乎異 自诚非從唐之道德經注疏例也易傳固有其例也易說卦日 外注或申其義或總其義皆與內注相參而經之脈絡通馬從 以可通者明之從釋文及諸經疏之例也義之先後貫乎章句。 古言古義非此不明從鄭禮注之例也徵引之字。彼此不同則 言之文者注文宜簡疏文宜詳其或徵引詳於注中者以經之 光緒二十有九年正月人日順德簡朝亮序 稽尚書家言模學可觀其義循將待發也。人而鄉居草堂與諸 讀之。並游九江朱先生之門時講習之。若有癖者。既不自休,博 簡也。迺如其志以草界馬庶幾共明書教將知遠而求之深也 山與諸學子居山堂風夜從事如鄉居時者又三年。百爲皆廢。 君父之敎云爾今草甫畢。諸學子數請校栞之。願得爲禮之肄 非義而可惑者。則疏皆辯焉。自維固陋。少之日手爲尚書。綴而 終食不忘胥勉勉乎尚書述草蓋自草創以來旣十有一年矣 以與屯無悔必斷草畢者自以讀書報 子辯難。而今鈔所屬草者、八年。旋以時義旅於陽山之將軍 ,愧非其才。惟素所習孔子之書。或循可竭力於斯以無忝

學誠意注文也朱子豈不欲如程子邪世變愈大非栞之。則其 草難存不得已也今尚書述草非敢有然矣惟其改之則所懷 其草者數栞之則見其數改之其將沒而看改之者則所爲 廢疾而後授之此其愼也朱子爲論語集注孟子章句先後得 昔程子爲易傳其草不遼以授人有問者則日尚冀少進乎追 年於斯率僦居廣州城集同門千金以資栞者其草則自陽 尚書集注述疏後序 山堂八百里月郵以至皆旋定而旋發也其始手書詒校者 嗚呼治經之事豈. はまだされたひまれ! 。將於校栞時而能助乎季漢武侯日昔董幼宰參 日乎哉諸學子而校栞尚書述草焉則 一反來相啓告此以政事而念幼宰

胥以寕后非民無以辟四方夫后君也胥猶詩載胥及溺之 猶然也其大略不可不先明之也大甲之逸文日民非后無能 也凡經義皆大而微有素所存疑乃決疑於斯須者今之發草。 **乙氣古之人所以爲無競者皆至今存也其完文然也其逸文** 也君子知尊君而親之故一 也以古通與民相與也定安也言民非君無能相與安也鴻 此民所以必尊君而親之也易日陽一君而二民君子之 何疑於辯難乎二三君子心力方殭惟經義足以生浩然 也書以道政事今從事在書不曰是亦爲政乎雖十反 遞至山下遞追而改定此所謂思之不運鬼神將通之 天子作民父母以爲天下王蓋王者子民則民皆得父母 君而望其安民也是民之君其

心此君所以必安民而貴之也易曰以貴下賤大得民也苟得 民。 天下僇矣明無與君之也繇是言之民依於君君依於民 故得乎邱民而爲天子蓋天子之貴由民以爲君當無賤民之 無與也於亦君也言君非民無與君四方也孟子曰民爲貴是 無能相與安矣無以者無與也論語日百姓不足君敦與足言 知眞君 無能相與安也道在尊君也凡經之言君者言君德言君 也民能 則四方皆與君之矣苟不得民則四方無與君之矣大學 立焉故凡經之言民者言民心言民生而不稱民權以民非 所好好之民之所惡惡之此之謂民之父母故曰辟則爲 而親之故二君而啓其爭民也是民之不君其君也民 相與安矣易日陰二君 民小人 之道也小人

而奉之也故召誥曰其惟王位在德元小民乃惟刑用于天下物萬圓咸寧明萬圓之衆尊其君曰元后戴之如皇天皆共戴 此 后之左右民故其衆可左右而用之也於是乎有以守邦 本乎天而萬世不可以佗求者也夏書之逸文日象非元后 以知民不當採衆而自主矣蓋衆非元后何戴焉以如易。 后非衆無以守邦夫衆者民衆也元后者元德之君也繁 不逞君權以君非民無與君 謂左右而用之也守邦者守其國而不可犯也 后以財成天地之道 而奉之也易日 四方也道在安民也此人道 輔相天地之宜以左右民

夫暑 民碞也蓋 險也易日天險不可升也地險山川邱陵也莊子曰凡人心險 蓋后非衆無以守邦焉召誥言有王元子者曰用顧畏于民暑 民孟子所以言與民守之效死而民弗去也若唐以睢陽之守 天下守之而不可犯者孰有過於民心好惡之公者乎故謂 **噂必畏之矣是守其國而不可犯也故古之能用衆者必信乎** 不守邦也故大學曰失衆則失國此以知君當畜衆而自彊矣 而存也論語言去兵去食而不去信者則曰民無信不立明民 天命生民民性之直民心好惡之公守之而不可犯者也凡 險也后非民無以辟四方則民險矣而后以守邦者亦民 川難於知天今召誥所謂民碞者豈以爲人心之險哉謂 以是爲民險矣天道至公也則有天險焉地道至公 後序

苟不得其平侍以守國者皆無可恃焉恃民昬之愈也。以地道之和也民險之平以人道之和也從古以來敵 也於是 子之所以爲 之敬節性之和者。 也論 若無所顧 地 乎民險皆 險 斯 畏矣而終不敢不 誠 和也 民也三代之所 道 平矣。 敬以和其民行乎其直道之公也蓋 元子反不 亦有王元子之所以如 者皆無可恃焉恃民暑之險也故 也 天險之平以天道之和 小民皆不言民碞 則 顧畏于斯 以直 顧畏者有民碞 道而行也故召誥言 民 險者守之而 也 兄弟 而 也地險 其臉 之友 問顧于 國 有 而 不 古

則 禮 是 也. 者。 而窮 民之 運曰人者天地之心 孝經 謂 也感於物而動性之欲也蓋人性之欲有由天理而不以人欲爲天必從之者也豈不悖哉樂記曰人生而靜。 亂。 不從之也夫天人理欲之說誣民者迁之矣而其託於 拂人之 所欲。 人欲者也此性之 故大誓日民之所欲天必從之此性之欲之正 天地 人欲 性, 天必從之夫塚 也。所以 明 之性人爲貴大學日好人之所惡惡人之所 平所 而 化於外物焉故樂記曰人化物也者。 心也故民心之所で、る者天以民為心所欲之正也天必從之者天以民為心 稱 欲 之失也是天必絕之矣而妄以 人也。 民之所欲者本乎天性之 於召

衆也想正也詩序日沔水規宣王也相規者相與規正其君若 之言是也此漢志所謂行人采詩者也師衆也官師養百官之 之多乎,夫諫者爭也以公義爭其不義也天子君天下諸侯 前之合德蓋言上執藝事以諫也孝經日天子有爭臣七 莊公丹桓宫之楹而刻其桷匠師慶言於公曰無益於君。 無逸所謂胥敘誨也工百工也若立政所謂藝人也國語日魯 其國古之明君皆兢兢乎不敢自專也而願聞其過 無道不失其天下諸侯有爭臣五人雖無道不失其國况其 執藝事以諫夫逍聚也振木鐸而行則聚衆聽焉故曰遒人。 徧 天必從之乎夏書之逸文曰道 也杜氏曰遒人。行人之官也木鐸木舌金鈴徇于路求歌 鐸徇于路官師 相

詢之灋臣民集焉鴻範昕謂謀及乃心謀及卿士謀及庶民者 **背戒其慢也庭耆若周官外朝之位也古者君有大事則有庭** 此盤庚將遷而告民也誕大也宮誠也有衆民也造至也勿褻 常職人人可以盡言於吾君遒人所采百官所正皆諫也徧 - La - Hull 112 (Hull - 4.1 - 2.1) 聽於庭議之衆哉論語曰衆好之必察焉衆惡之必察焉孟子 也古之爲君者此其不與臣民相隔也然豈詢之而不察之徒 校六經之衡明也盤庚日誕告用亶其有衆咸造勿褻在王庭 然而古之士民其氣不囂者何也非挾寒故也以義之正者爲 公非以言之衆者爲公也夫諫者何爲而知義之正平古之學 于芻蕘國語曰庶人傳語又曰風聽臚言于市皆衆諫之義也。 百工則衆矣詩日寂職有關維仲山甫補之又曰先民有言詢 泛字

是也當盤庚時。 也朱子所以必言窮事 學言新民者所以必明明德也明明德者所以必先格物致 勤勤以格物窮 日左右皆 勿聽國 庭議 者非不察之而徒聽之也然非其君之明何以能察之哉。 察之見 賢焉然後用之左右皆曰不可勿聽諸大夫皆 其國邪善夫盤庚之明也察其臣之惡 人皆曰不可然後察之見不可焉然後去之故凡 į 政 以河患 事理爲言蓋以人臣之義正君而救民莫大 遷般其臣浮言而惑民其民惑之而違 理爲格物之要也故其入告於君者 聞矣盤庚苟不察之 大夫皆日賢未 可也 徒 國 釋其民之疑 聽於衆將 於

學致知之至也此大學之宗也朱子本之以釋大學者也今言 偷。 成自我民朋<u>威</u>益天命在民君哲而民康然後 矣康安也格至也蔡氏以爲大學格物之格是也格知者即 則貨事之蘇也夫造為也爲循作也哲智也鴻範日 道 也謂導而行之也。行之於民。 作哲以導民康安况曰其有能至知天命乎皋陶謨曰。 **時長生比充** 成王大告東征而察天人之際也非空言也實事也實 大 告東征也管似率 而能然乎大品日弗造哲迪民康矧日 有迪君哲哲何以迪民康乎下文言民不康矣。 爽邦由 亦惟十人迪知上帝命謂 桑第流 以哲智導而行之則民無不 言述 周公殷武庚從管 天命可知也 [明作哲:

而專征者周公也是成王授周公以天下之兵而不疑也夫成。是明即邦由是定非皆亂之邦矣。當是時三叔流言多邦肆伐。當十人迪哲則天命討賊之義明。而民之不康哲皆定之邦由。即上文言作哲迪民康者於此見之矣。由其哲之能明邦也 之賢也知上帝命眷哲也十人迪知上帝命者猶無逸所謂。 告迪哲也亦循君奭所謂迪 一帝命者十人導而行之非知無以行故 者。儒子王也年十有三爾何其明哉 聚蓋有繇也故成王之所謂格 必由於哲者以明作哲故也十 邦之人 可與明君 知天威也蓋上帝命討有罪今行 十人迪哲二 **人卽民獻之十夫皆** 日迪知也迪知上帝 新造邦今三

學焉而後臣之也得友者霸若國語言晉文之長事賈定也得 察奸謀而定天下之大艱也豈類小智不明者之所謂格知乎 證疑則謀於人也諸侯自爲得師者王若孟子言湯之於伊君 りまするでいていい!! 來者。非受命於其國之君臣而來閒我也故我得之以爲己用 疑者存若戰國策言燕昭之問郭隗而來樂毅也皆自爲得之 自爲者通上省文也疑循禮言師保疑丞之疑故與師友竝言 焉師其所當師友其所當友疑其所當疑誠得其善而好之也。 也非繇敵國爲之也非繇異國爲之也土雖有繇敵國異國而。 仲虺之誥之逸文曰諸侯自爲得師者王。得友者霸得疑者存 目爲謀而莫己若眷亡。大自爲者自己爲之也得友得疑不言 口好善優於天下此之謂也故曰夫苟不好善則人將

或语或白或赤此禹貢所謂惟金三品也而周監於夏馬。 之三農也空而不有日乏事者百工 以害楚焉故日雖楚有材晉實用之此霸國餘烈云爾其循 傳言楚析公強子子靈苗賁皇之奔晉者皆怨楚也乃爲晉謀。 乏其事商不出則三寶絕虞不出則財匱少夫農者平地山 於自爲得之者歟周書之逸文曰農不出則乏其食工不出 功易事也三寳者所以通有無也史記日虞夏之幣金爲三 日自爲謀而莫己若者亡仲虺之言謀國者宜何如自省哉 可得乎詩日具曰予聖誰知鳥之雌雄此幽王所以亡 外則讒諂面諛之人至矣與讒諂面諛之人居國 一所備之事也若孟子言通 也故

臣妾統焉其言工也而百工與嬪婦閒尽統焉其言商也而 虞故史記引此而說之曰此四者民所衣食之原也言其原 與賈統焉其言處也而虞衞與藪牧統焉故農者民生之本也。 轉移執事今周書約九職而統言之其言農也而三 之事其原出於工行幣之實其原出於商取地之財其原出 **竭而不生曰匱微** 爾民 一 日 三 農 生 九 穀 一 之三賢 於此也今不出焉則失其原而不利矣周官曰大宰以九職任 展主 地 危一 口嬪婦化治絲枲八曰臣妾聚斂疏材九曰賜民無常職 口藪牧養蕃鳥獸五日百工飭化八材六曰商賈阜通貨 可推矣斷而不續曰絕虞者山澤之虞也財者負財 而不多曰少蓋足民之食其原出於農備身 一日戲圃毓草木三 日虞衡作山澤之 一農與園

出也自殷高宗言之則天子之言矣蓋令乎天下者也宜首稱 起羞惟甲胄起兵惟衣裳在笥惟干戈省厥躬夫口萯言之自 其資於貨者多也其資於金者不多也貨之生不窮而金之生 出其山虞澤虞之貨中邦之貨萃焉而商乃出而行貨乎其閒。 求哉論語曰因民之所利而利之斯不亦惠而不費乎柰之何 奪而失任使其利原之不出也或曰三寶之金不憂其困歟只 皆中夏民之所利也以此利民皆不失任其利無遺矣豈待佗 有窮也此以本富馭末富也孰能困之哉說命之逸文曰惟口 者農工商所絲賴也此與九職之序木同而同皆中夏之利也 目周書言之則不憂也農出其三農之貨工出其百工之貨處 非浬巧之工商非龍斷之商工商台濟平農而資平度也屢 THE AND SECTION

聞危也此兵所緣起也或日甲介也禮曰。 使疑忌也兵變日形兵之極至於無形今乃且形於甲胄乎史 知之其佗無不知矣故特言甲胄也惟甲胄起兵者當陰備。 焉起档所繇起也左看如易言或承之羞也鄉氏 使覘國者輕之而起兵矣蓋鸝患所緣者口與甲胄則其 故君子戒慎不失色於人如其失也軍容不肅則必不能 稱子貢之言日有報人之意而使人知之殆也事未發而 馬衣袋卷團之章服也笥所以藏也惟衣裳在笥者當藏 以謂無 口起羞者鄭氏謂當慎言是也詩曰好言自口莠言自口。 言不讎也甲胄眷身之兵備也兵備在身人皆見而 不敢妄賜也猶詩美彤弓眷稱其受言臟之也史 後序 介胄則有不可犯之 講拳循辱也

君有命開國承家小人勿用言行師之道。 恕而能喻諸人者未之有也惟干其省厥躬者鄭氏謂當恕己。 不尚害人是也。 韓昭侯 修教而復伐之因壘而降以其能省故也蓋喜 與干戈則其大者焉且說命之言衣裳也自口而 者自察也厥躬者其謀動兵者之身也大學 閒何哉易之師日在師中吉无咎王三錫命又日 左傳日文王聞崇德亂 衣裳者錫命之用也。 之以待有功况章 喉舌四海羞之於是 服乎干 甲胄干戈者行師之 乎甲胄無謀干戈不 而伐之 锡命不可及小人 軍三 曰所藏 怒所用者 旬而不 降

正之者非明經術則安得正之邪且治書貴知要也孔子贊易。 助者多也若何猷問堯典日観四岳羣牧 要也今將有白亦云遠矣悠悠手書願無忽焉旣而諸學子 **兼者經術也古之人於此察焉則皆以卓立於地園九萬里** 稱問召 | 義而巧者又託經義以爲言若宋事之於周官則巧矣其欲 不別其佗有何競也此二三君子所宜辯也後世行事或 言亂臣賊子也孟子曰孔子成春秋而亂臣賊子懼皆 **敏而從事疑問之來筆以答之雖八百里若一堂爾則** 而數之也嗚呼凡若此者非其大略之所存乎蓋 1 2 1 2 1 之下 而疑觀見爲上下

皆列名其中今所問不常列之難一 義者皆以諸疑問 日今之大誓而鴟鴉詩亦添疏詳之 論本乎詩序而疑成王未知 之而疑馬所言者惟曰今文大誓。 可以器稱則因 問堯 亦以志校栞終事之日焉古者序惟在後。 如五 器欲從馬氏 而盆詳也昔范氏爲穀梁傳集解羣子有說 而添疏詳之矣若張子沂問古文大誓馬 傳集解序之例 周公則 五 尚書述草·
愍十有五年 未從范氏之例也故爲後 問金縢周公居東据通 矣其高宗肜日疏言 而推之也凡答問在 因 說而疑 而寤舊本馬說有譌 三身二生 今既爲

- ->								#	Bil
العدادة الله الماسمة				Ì				料子	則今五十有七也鳳與諸學子爲心力之爲志乎士
₹ int¥								有	五
111								言。	+
ţ								終	有
<u>t</u>								古古	七
/							!	好	图
								E	鱼
								矣。	誻
14.								光	學
发字			:					紙	41
Ť	ļ ,							=	A I
								有	77
								\equiv	之
								年。	爲。
								十七	志
•							ĺ	17	士
		!						Ā	古而觀其深。
								晦	觀
	1				i			Ha	其
			1					i	深。

	A Limit of the fact of the first of the first of the fact of the f	夏書馬頁	卷三	虞書皋陶 謨	卷二	虞書尭典	卷一	尚書原目	尚書大名	尚書集注述疏序义後序在	卷 首	佝書集注述疏 目錄	
--	--	------	----	---------------	----	-------------	----	------	------	-------------	------------	-------------------	--

卷四	
夏書甘近	
卷五	
府書湯誓	
卷六	
商書盤庚	
卷七	
商書高宗肜日	
卷八	
商書西伯戡黎	
卷九	

问書集生此紀八份首	周書大誥	卷十四	周書金騰	卷十三	周書洪範	卷十二	周書牧誓	卷十一	周書大誓	卷十	商書微子	
目錄		19 19 19 19 19										

卷二十	周書洛誥	卷十九	周書召誥	卷十八	周書梓材	卷十七	周書酒誥	卷十六	周書康誥	卷十五	
											-

可島美主な流気を事	周書顧命	卷二十五	周書立政	卷二十四	周書多方	卷二十三	問書君奭	卷二十二	周書無逸	卷二十一	周書多士
医斯 目錄											
ŧ											

卷二十六	
周書費誓	
卷二十七	
周書呂 刊	
卷二十八	
周書文侯之命	
卷二十九	
周書系誓 ————————————————————————————————————	
卷三十	
逸文 凡逸文知篇名者五十七條	
卷三十一	

三十五卷	凡尚書經二十九卷逸文三卷冠之卷首附之卷末上下都爲	尚書表主述 就後字 為古文 附偽逸文三條	卷末下	書序辨	卷末上	附錄	逸文 凡逸文不知篇名亦無繫代者二十九條	卷三十二	逸文 凡逸文不知篇名而有繁代者三十五條	
------	--------------------------	----------------------	-----	------------	-----	----	---------------------	------	---------------------	--

					讀書堂答問壹卷	伯言身治过山 人名首
			9			

向 書 **尚書集注述疏卷首** 14. WILL TO THE TOTAL STREET 也先大而後小物分之序也孔氏穎達書碟引鄭氏康成 象之宜也宋元以後大名列上 下焉若周南若曲禮此小目也則列上焉本下而末上。 述 古之人而必日演其書。 此尚書大名也尙古通上 小目列上 日尚書者大名也大名亦謂之大題漢唐之本大名: 云孔子缚而命之日尚書尚者上也尊而重之若天 諸經皆然也若毛詩若禮記此大名也則列 トろ 謂上代之史書也孟子言尚 一小目列下雖不同從之可 順德簡朝亮述 桂 論

佝 **豈有書乎書疏引王氏肅書注序云上所言史所書故** 書夫書訖泰醬未可概之上古也墨子云尚書夏書其次 其相反也偽孔安國傳序云伏生以其上古之書謂之尙 固漢書藝文志云左史記言右史記事事爲春秋言爲 **峇然孔氏謂鄭溺於尙書緯璿璣鈐之說是也夫天 商周之書蓋尚書之名舊名也不自伏生始矣周官云。** 玉藻云動則左史書之言則右史書之此互文也今漢志 之何哉爲其可以爲典者未備也易云古者包裝氏之 書夫史錄君臣豈惟上之書乎亦豈惟言之書乎班 掌三皇五帝之書然則堯典之 此別乎春秋亦其大略爾尙書豈記言而不記事哉禮 を 省一 フィー 上非無書也孔子不 尙

尚書集住造苑下卷首 於人神農悉地力種穀疏故託農皇於地此其言三皇者 **黄帝堯舜氏作通其變使民不倦蓋遞明之也尙書大傳** 事也疊則飭也事之飭者莫飭於堯故論語贊堯煥 乃命五史以書五帝之蠱事其將据易推之歟易云蠱養 矣而其言五帝者以爲黃帝顓頊帝譽墓舜也故大傳云 云遂人以火紀故託遂皇於天伏戲以人事紀故託戲皇 則 之以書契也故易云包犧氏沒神農氏作又云神農氏沒 字許氏傾說文序以爲黃帝史倉頡也晉書錄衞恆之說 以行其典禮者不猶有待乎周官疏引世本云倉頡造文 兼以沮誦言之此易所謂上古結繩而治後世聖人易 下也於是始作八卦今周易存焉然易所謂觀其 大名

問官於郯子而論語則不書以典之未備故也大戴禮踐 之始而未若契之爲敎至於今也其他從可知也孔子雖 以爲典者也堯典之欽明其義也然其書不多則不能 **阼篇言黃帝顓頊之道在丹書矣師尙父道書之言云敬** 未若義和之爲灋至於今也其日视鳩氏司徒也此敎 子所知者而遂已邪其日鳳鳥氏麻正也此麻數之始。 即包犧也昭十七年左傳言少皞氏以鳥名官矣豈 **闕黃帝之上雖及之而不詳也遂與燧通疏與蔬** 有文章。 息者·吉怠勝敬者·滅義勝欲者從欲勝義者凶此其可 代之書故記於禮焉昭十二年左傳言楚 而論語二十篇以堯日篇終焉然易言三五則 通伏戲 以 郯 有

计算是主成在下发车 雅云境大防也書云典狀三 邱尤州亡國之戒又引張氏衡云三墳三禮禮 氏逵云三墳三王之書五典五帝之典八索八王之邊 也是皆無徴文也其爲書所不錄邪將名異實同而書 其義也九 辛唐虞之書謂之五典言常道也八卦之說謂之八索。 伏犧女媧神農為三皇而外史注則不及之也僞孔 風氣所宜皆聚此書也是何其言之鑿乎左傳疏引 伏犧神農黃帝之書謂之三墳言大道也少昊顓頊 史注云所謂三墳五典是皆未嘗言之鑿也鄭中候注 相云是能讀三墳五樓八索九邱杜注云皆古書名。 州之志謂之九邱邱聚也言九州所有土地所 禮又引馬氏融云五典五 **喧爲人防**。 求

戴禮帝繫五帝德篇其言五帝者與大傳同史記云學者 得黃帝元孫帝魁之書迄於秦穆公凡三千二百四十篇。 書 焉司馬氏尤資治通鑑續左氏春秋傳不追言上古此**据** 言也今史遷之書雖自謂擇其言尤雅者其繫世猶多失 不雅馴薦紳先生難言之蓋言孔子所不言難乎其爲雅 多稱五帝尚矣然尚書獨載堯以來而百家言黃帝其文 已錄邪今無蘇稽也司馬氏遷史記五帝本紀朵世本大 十八篇爲中候此緯文不足据也白虎通言帝魁書者 **動遠取近定可以爲世塵者百二十篇以百二篇爲尚** 同墨子云昔周公旦朝讀書百篇此言其所讀之策非 而知史灋者也繇與田通書疏引尚書緯云孔子求書。

のは事業生を表示した。 所 也故爲素博士文帝時求能治尚書者天下無有關伏。 乎此其當辯之必明者矣史記儒林傳云伏生者濟南。 之錯行揚雄震言云說事者莫辯乎書處夏之書渾渾雷。 傳稱子夏云書之論事也昭昭若日月之明離離若參辰 命以唐誥此孔子無不論之者而序之百篇今不 書惟百篇如舊序也漢志云周書七十一篇班氏自 能治召之年九十餘老不能行詔太常使掌故鼂錯往 論豈百篇已乎定四年左傳於魯云命以伯禽於晉云。 書瀬瀬爾問書鹽匯爾然則尚書之傳何以言今古文 周史記者劉氏向云蓋孔子所論百篇之餘也然孔子 秦時焚書伏生壁藏之其後兵大起旒亡漢定求其書 大名

古文尚書序云伏生老不能正言言不可曉也使其女傳 安國以今文讀之因以起其家逸書得十餘篇蓋尚書滋 霸孔安團維陽賈嘉頗能言尚書事孔氏有古文尚書而 亡數十篇獨得二十九篇卽以敎於齊魯之閒學者由是 頗能言尚書伏生教濟南張生及歐陽生自此之後魯周 藝文志云書之所起遠矣至孔子篡焉凡百篇而爲之序。 生者漢書儒林傳同核與婚通顏師古漢書法引衞宏定 多於是矣史記言逸書者以未得立則謂之逸也其言伏 其意屬讀而已衞宏言屬讀者是二十九篇有書在也其 言教錯齊人語多與潁川異錯所不知者凡十二三略以 日傳言者謂解故章句之言非謂無書而口傳之也漢書

からからと せいしい アイス・コー 當在元朔元年武帝方即位十三年不得云末况壞宅在 它在武帝末王充論衡則云景帝時論衡是也魯共王薨 共王初即景帝初安得武帝末邪此蓋据漢書景十 安國者孔子後也悉得其書以考二十九篇得多十六篇。 書十六篇天漢之後孔安國獻之閻氏若璩云漢書以壞 安國獻之遭巫蠱事未列于學官劉歆移博士書云古文 共 宅而得古文尚書及禮記論語孝經凡數十篇皆古字也 於學官古文尚書者出孔子壁中武帝末魯共王壤孔子 十九篇以教齊魯之閒。訖孝宣世有歐陽大小夏侯氐立 其作意秦燔書禁學伏生獨壁藏之漢興亡失求得 王往人其宅聞鼓琴瑟鍾磬之音於是懼乃止不壞孔 大

電身光,以正一角。 **沓者與漢志同所異者惟曰武帝時孔安國家獻之則** 前若巫蠱事乃征和二年距安國投久矣漢紀言古文尚 遷自序云子述黃帝以來王太初而訖是安國卒在太 家云安國爲今皇帝博士王臨淮太守蚤卒朱氏彝尊云。 **隋書經籍志以爲孔惠偽家語以爲孔騰也史記孔子 暨一十八年薨也壁中古文者荀悅漢紀以爲孔鮹藏之,** μ] 傳謂共王初好治宮室也且据傳共王以景帝前三年 馬遷受書於安國者也遷爲孔子世家稱安國蚤卒 初

文十年而遭李陵之禍則天漢三年也奚見安國 漢後乎是不然矣間氏云兒寬傳言寬以那國選詣 不卒於

熯

書

脫家字爾或日史記雖訖太初然自序又云論次其

俩今文者漢原於泰之隸書也伏生尚書蓋今文也亦自 之年惟以四十爲斷也其生當在景帝中年其卒當在武 年四十五十爾皆不謂之蚤卒而獨言安國蚤卒則安國 望六矣胡得爲蚤卒乎王氏鳴盛云世家言孔氏子孫皆 少如賈誼亦當年二十餘處矣以二十餘處之博士越 士弟子則爲之師者年又長於弟子安國爲博士縱年最 五六年而獻書縱甫獻書而卽死其年巳五十七八且 朔三年巫靈事在武帝征和元年遞於二 受業孔安國補廷尉文學卒史時張揚爲廷尉在武 元鼎元封之閒是也則必不卒於天漢後矣釋說文作 三十五六年。漢制擇民年十八以上儀狀端正者補 大名 一年其相距

文合以古籍其倂書孔氏皆古文也史記謂孔安國能 古文而變之爾古文者古字也其形若科斗蟲然也書 伏生尚書者明其先治今文而後得古文也此今古文之 十五篇與古文或異孔子書六經皆以古文又云今敘篆 倉頡初作書依類象形故謂之文及宣王大史癰著大篆 **引鄭書贊云今所謂科斗書即周之古文是也說文序云。** 武成亡矣。王氏云旣亡其一蓋四十五卷爾而云四十六 **所繇也漢志云尚書古文經四十六卷自注云為五十** 顏注引鄭書贊云後又亡其一篇故五十七書疏引鄭 序注三武成逸書建武之際亡是也漢志作於顯宗時 存原數也短譚新論云古文尚書舊有四十

制酶集性地抗人卷自 未備也漢書實班氏未畢之皆彼八妻天文志且待其妹 注云建武時亡六篇矣今志於武戍不言建武時亡者文 **卷其内九 芸九篇卷同蓋**二 同顧命。康王之詩二篇卷同蓋三十四篇也古文多十六 十九卷而古文有之者其内盤惠三篇卷同大誓三篇卷 也今以古文原數言之四十六卷者加序之數也今文一。 **昭續成之也然史籍六篇之亡志存原數則武成從可推** 五十八篇也今据書疏所引者以古文原第言之堯典卷 夫旣以序登經卷豈不數其篇乎漢志云史籒十五篇。 卷爲五十八篇此 四 十五者去序言之譚在建武前武 十四篇也此劉向別錄所謂 七

西伯戡黎卷二十一也微子卷二十二也大誓卷二十三卷十八也盤庚卷十九也三篇卷同高宗肜日卷二十也 卷七也禹頁卷八也甘誓卷九也五子之歌卷十也允征。 作卷三也九共卷四也九篇卷同大禹謨卷五也皋陶謨。 四也典寶卷十五也伊訓卷十六也肆命卷十七也原命。 卷十一也楊誓卷十二也楊誥卷十三也咸有一德卷上 卷六也自日若稽古至帝拜日俞往欽哉而卷終焉棄稷。 也三篇卷同牧誓卷二十四也武成卷二十五也洪範卷。 十九也康誥卷三十也酒誥卷三十一 一十六也旅獒卷二十七也金縢卷二十八也大誥卷二 也自己 ·若稽古至陟方乃死而卷終焉舜典卷二也训 也梓材卷三十

审晶集生起张一岁 一大名 注經三十一 本也故漢志大書之大小夏侯從伏生本者故漢志小注 而有遺爾詳書序辦漢志云尚書經二十九卷自注云大 也文侯之命卷四十四也秦誓卷四十五也書序則卷四 而先之歐陽雖先立而不先之也歐陽變伏生本者故小 小夏侯二家歐陽經三十一卷蓋二十九卷者伏生今文 十六焉惠氏棟云囧命四當爲畢之誤也非也此据鄭注 卷四十一 政卷三十九也顧命康王之誥卷四十也二篇卷同四命。 無逸卷三十六也君奭卷三十七也多方卷三十八也立 也召誥卷三十三也洛誥卷三十四也多士卷三十五 一也紫誓卷四十二也紫與費通呂刑卷四十二 卷而後之漢志之例嚴矣伏生今文無序也。

或作二十二卷皆以畫之損益而譌爾今据書疏所引者。 稽也石經於盤康亦分之矣漢志或作歐陽經三十二 以今文原數及原第言之堯典卷一 以教矣漢書說同明伏生壁本之有大誓也然馬班皆 方乃死而卷終焉皋陶謨卷二也自**日若稽古至帝** 大誓篇釋文於康王之諧引馬云歐陽大小夏倭同爲 爲 有大誓焉今文篇數郎卷數也史記言伏生得二十九篇 不悉與序同以序非孔子作而今文無序也詳書序辯及 同 然則歐陽分出之篇將在盤庚乎將在大誓乎今無繇 蓋史之所書序在期矣書而又序若綴旒然尙書大 孔子序書非也詩非序不明易非序難次書與詩易 13 也自日若稽古至 顧

尚書樂生地航天管首大名 以序之一篇列於二十九卷者非也如大誓果今文無而 卷二十八也泰誓卷二十九也朱氏謂伏生經無大誓。 也立政卷二十四也顧命。有康王之誥焉二篇而一之卷 二十五也朱誓卷二十六也呂刊卷二十七也文侯之命。 也毋與無通佚與逸通君奭卷二十二也多方卷二十 卷十八也浴詰卷十九也多土卷二十**也毋佚卷**二 四也康誥卷十五也酒誥卷十六也梓材卷十七也召 收,卷十一也洪範卷十二也金縢卷十三也大誥卷 也般庚三篇而一之卷六也般與盤通高宗肜日卷七 西伯战黎卷八也微子卷九也大誓三篇而一之卷十 往飲哉而卷終焉禹貢卷三也甘誓卷四也湯誓卷五 九

林傳 字同亦可疑也漢志云經二十九卷傳四十 以 九 篇 豈 當 言 得 多 十 六 篇 乎 班 氏 言 張 霸 者 又 何 以 古 停序云蓋自伏生也張生歐陽生從其學而受之 囚 後數子各論 篇外而言采序也伏生名 傳也今大傳亡其存者輯本也王氏應麟王海引鄭 伏湛傳云九世祖勝字子賤所謂濟南伏生者也此足 補之矣或日仏與處通伏生爲處子賤之 文有也則漢 經屬指名之日傳然則大傳非伏生自爲之也漢書 云歐麡 7 1 1 1 所聞 志於古 以己 **意彌縫其闕別作章句特撰大義** 文當言以考! 乘人也事佚生授兒寬寬又受 字史記闕焉漢書亦同後漢 一十九篇得多 '後而與其祖 篇蓋尚書)伏生

竹山東国ア 日 ・日上に 一人 た、」 閼 勝從始昌受尚書及洪範 勝 司 夏侯都尉從濟南張生受尚書以傳族子始昌始昌傳勝。 生 自伙 馬 傳從兄子建由是尚書有大小夏侯之學漢書列 由是 氏古文逸書未立於學官安 焉漢書儒林傳云伏生**教濟南**張生又云夏侯勝其先 子世世相傳至 學弗好。 亦從 生而 尚書世有歐陽 國至 來。 安國問 史大夫。 此今文家 及問寬說可觀迺從寬受 自 故憑書載堯典為意洪範微子金 孫高為博士高孫炮餘為博士論 Z 氏學漢書歐陽生關名張生名字 初 所傳之著者也漢書儒林 見武 五行傳蓋五行傳原於伏生 **小帝語經學** 國為諫大夫授都尉 編寬授 朝 傳云。 歐 傳 易 也。 而 倘

作是有光光的光光百 安 與班 後漢 古文 長王莽時諸學皆立劉歆爲國師黃輝等皆貴 授 帝時爻立古文此古文非不嘗立也旣而遂廢焉史遷從 武帝立 諸篇多古文說 今其以問故為言歟 | 文則其兼人也或日漢志於說經者言故訓又言解故國問者問古文也漢制書立今文學士無不治今文者 號徐敖敖授 是也蓋問則無所不問矣庸生者後漢書所謂庸 書 固竝 買達 五經博士書惟有歐陽孝宣世復立大小夏侯。 王璜华 都尉朝授膠東騎生庸生 云逵父徽受古文尚書於塗惲逵 非也於文未適也從問 **陵途惲子眞子眞授河南桑欽** 好古文尚書建 授凊 初 元年 絕 、顯又云自 句故 河胡常常 傳父業 譚也。 屬

所學儒林傳云杜林傳古文尚書**賈逵爲之作 雕兵亂常恐斯經將絕何意東海衞子濟南徐生復能** 之是道竟不 州 林 世 在 酮 誁 鄭元注解由是古文尚書遂顯於世朱氏云漆書古 間 蓋儒林傳序·所謂古文尚書雖不立學官皆權高第者。 其時也杜林傳云林博洽多聞東海衞宏長於古學見 得漆書古文尚書一 北宮 雅 然而 三卷帝善之八年詔選高才生受古文尚書遂行於 服濟南徐巡始師事宏後更受林學林前於 相 虎视南宫雲臺達數為帝言古文尚書與經 應認 **墜於地也古文雖不合時務然願 介撰歐陽大小夏侯尚書古**京问異連 卷常寶愛之出以示宏等日 訓馬融 無悔 林

本乎孔氏也說文僲書孔氏而愼子沖上書云愼本從逵 康 受古學攷之於逵作說文然則林之古文與孔氏古文同。 父徽受古文尚書於塗惲逵傳父業而訓林之古文明其 卷已也儒林傳所以言林傳古文尚書不言一 卷也今漆書者得 晉 不本 書束哲傳言竹書者託於斯也蓋古文尚書者四十六 成從東郡張素祖受古文尚書以山 詴 馬鄭所以皆傳之也な與考通馬融傳云融拜校書 東觀典校祕書博洽爲通儒注尚書鄭元傳云元字 乎孔氏非也漆書者古以漆書竹卽科斗書也王 事扶風馬融元 注尙書尙書大傳蓋鄭通今古文。 **卷馬斯其寶矣非謂林之所傳惟** 東無足問者 卷也賈 | 迺西 隱

引导展主化市/公车 固距偎以不誦絕之也又鄭書贊云我先師棘下生子安 鄭言今文家之失也劉歆移書所以言博士於古容深閉 鄭書贊云歐陽失其本義今疾此蔽冒循復疑惑未悛此 尚書其篇與夏侯等同而經字多異蓋言鄭本也書疏 書疏所引者以鄭本言之盤康二篇卷同大誓三篇卷同。 顧命康王之誥二篇卷同故以今文二十九篇者爲古文 六篇絕無師說此馬之作傳所以亦不釋逸古文也今据 及也循其注它而未注逸禮也書疏引馬書傳序云逸 文十六篇鄭未之注爲以其未得立而逸之故注亦未之 所注者古文也即今文二十九篇而古文所有者也逸古 二十四篇而亦如今文二十九卷也書疏謂鄭題日古文 1

來此古文家所傳之著者也嗚呼古文尚書幸逃來火孔。 注 也言子安國者猶公羊傳言子沈子而著其爲師也水 才好博旣宜之矣此鄭言其古文之學以孔氏爲師也 國。 語者皆其難鄭故也豈於書不與鄭建乎凡自孔安國 氏炎武。疑孔鄭之學當爲二而謂無可攷者蓋未察於 列于學官蓋諸經疏引肅聖證論者又引馬昭 國家以得之壁中者獻 亦好此學自世祖興後漢衞賈馬二三君子之業則 明子肅善賈馬之學而不好鄭氏采會同異爲尚書解。 者所會處齊人號之棘下生無常人也三國志王 引鄭志云張逸問棘下生何時人鄭答云齊田氏時善 於漢廷當武帝時表章六 調肅偽 眀

旬齡美生化和▼吳雪 責也苟盡釋古文庶幾習者無難傳者日聚柰之何旣 虎觀。 小人儒也而古文尚書立於其時惡莽者遂廢其所立奈 蔽 文僅如今文得立者二十九篇以釋古文而逸書十 也馬鄭漢之大儒所謂守先王之道以待後之學者。 何失君子不以人廢言之義也後漢建初閒賈逵趨白 又無釋焉。 肓 士書爭議立之諸博士其將必同力乎奈 矣柰之何 於書處言古文肅宗詔高才生受之柰之何卒不 而抑之也平帝 雖 天下好古求之者幾人哉雖 引之而亦如馬之不釋之也逸書旣不 直 大名 以後賊莽借六藝爲奸劉歆黨之。 事而遂不爲也及哀帝時劉歆 之何今文

釋文云。 文尚書亡舜典一篇 也釋文云江左中興元帝時豫章內史梅隨奏上孔傳古 所謂古文者東晉古文尚書也孔傳者以爲孔安國爲之 於是平僞古文興矣嗚呼後之學者何不幸也陸氏德 為中古文其必亡於永嘉 既立者將五百年且竝亡焉則古文之晦晉僅存祕府。 夏侯尚書竝亡此牛宏數為載籍從來之四厄者也今 古文向書經文今無有傳者又云及永嘉之亂歐陽大 其亡也而況於兵亂乎隋書經籍志云晉世祕府所存。 五典已下分爲舜與篇以續之此古文孔傳之所繇也。 永嘉喪亂衆家之書竝亡而古文孔傳始興陸氏 購不能得。 之亂可知也晉之中古文既亡 乃取王肅注堯典從慎徽

时售集生此流区 Se a 作者之意宜相 盤庚三篇合一康王之誥合於顧命復出此篇幷序凡 生二十五篇伏生又以舜典合於堯典益稷合於皋陶 考論文義定其可知者爲隸古定更以竹簡寫之增多伏 還孔氏科斗書廢已久時人無能 中 十九篇爲四十六卷其餘錯亂摩滅弗可復知悉 經口以傳授裁二十餘篇又云魯共王壞孔子舊宅於 傳序云漢室龍興旁求儒雅· 得先 府以待能者 人所藏古文虞夏商周之書皆科斗文王悉以書 附近故引之各冠其篇首定五十八篇旣 一訓傳庶幾有補於將來書序序所以爲 大名 承部為五十九篇作 南伏生年過九十失其 知者以所聞伏生之書。 傳於是博 ī 考

傳古文逸書皆張霸之偽也不尤戾哉柰之 陸氏釋文之作乃循不察乎釋文謂馬鄭所注 古文宋朱子旣疑之矣豈不以吳氏棫發其疑乎朱子於 今文非古文也亦其疏矣書疏謂鄭不見古文且謂鄭 古文也其所謂作傳者僞孔傳也其古文之篇爲伏生 後代嗚呼此其僞孔序乎其所謂多伏生二十五篇者。 畢會國有巫蠱事經籍道息用不 ൬ 奉 傳則斥之曰偽也謂其傳序 韶爲書疏。 偽使偽者亂 天下學術統於斯矣乃不察其偽而從之 經 而 賊道遂以至於今也蓋東晉 不類西漢文凡自朱 復以聞傳之子孫以 何 者皆伏 不偽其 所 今 胎

邪。 而 惟 來迄於 屻 今以 又 卒。 馬 是也。 文者蓋謂於後讀之。非初 有 親見之辭則何 遭 一時也。今序以爲安 遷親 其旣卒是二者皆非其得親見之也今序皆以爲 巫蠱事者又 也。 扎 抑 彼魯共王壤 從安國遊所書無可疑者偽家語云安國年六 傳序辯於先焉夫孔子世家貴安國之蚤卒也司 所謂以今文字讀之也。 承 國 詔作傳雖 朝 也獻書者漢紀謂其家獻之 儒其疑古文而辩之者詳卷末僞 時。 ,宅在景帝,初是安]未生 有 間 國 事。 氏 獻 得古文時也其言以今文 謂其初獻無事何以不立 書。 可不以開邪史記言安國 且獻書香一 非序所 荳 時。 也巫蠱事。 爾其獻 所聞 作 傳欲獻

求得者非 今文不若? 之也。 也。 則 熯 邪漢志於小學家云。 志 誦 **神古文矣序言伏片八體之書首日古文** 定之也 云安 安 漢志 何 國 以無 非失之也。後 礼壁 錄伏生之傳繫平今文經之下所以尊之也。 凶 者。 載。 孔傳邪: 獻 何以 何以 加 序言。 尙 本古文之正 書 漢志 伏生 亦不 不言其承詔作傳邪如以爲孔傳此非惟不繫乎古文經之下也儒 之釋書動疑其文之文之正也而不思伏 文則序言 則 「漢興蕭 失其本經。 大志 古 及民閒易家費氏之 也。 為 言獻尚書矣奚有 無能知者非也史遷 ,詔 伏 何以六體試之蓋試學童 以爲伏生耄年口 不思伏生壁本今文。 生 所 者。主 說 以那。為 又 以能 授。

引擎是上世札▼关车 遠。來。 何 就 就 篇 據 毛 也 也傳旣偽矣則經之附傳 何 本之 之二 何以傳與經連邪閻氏云孔傳文義是就 以 孔 非古本也詩疏云。 連故石經 陸 序所稱者以梅本言之其篇之一 引經 馬鄭王本皆有其下之文 氏 · 殘也其堯典止於帝日欽 經為 日舜典卷二也斯篇闕焉蓋僞者故爲闕之使若 附 注蓋自馬 傳出於後 羊傳皆無經文今詩毛 漢初為 大 融 名 人者不同是也此以 傳。 而非鄭本所有之經皆僞也者不同是也此以知孔傳之 注周官始也。 不連先聖之經春秋三傳不與 傳訓者皆 哉則其下爲舜典可 其舜典首二十八字於 | 與經 日堯典卷 今孔傳去漢初 傳引 經下爲之與 別行後漢 經附之 也。

爲 後 也。 古文無斯篇凡無而反有者以其有所襲而爲之爾共 皋 大禹謨其四日皋陶謨其五日益稷三篇序同卷同卷 無之凡有而反無者以其無所襲而不爲爾其篇之三 之十二日湯誥卷 矣其篇之六日禹貢卷四也其篇之七日甘誓卷五也。 之十日湯誓卷八也其篇之十一日仲虺之誥卷九 之八日五子之歌卷六也其篇之九日允 陶謨帝日來禹已下遂以益稷分焉亦少爲 皋陶謨有暨益暨稷之文僞者竄棄稷之篇日益稷。 加之者今詳僞古文非梅本也舜典分堯典爲之。 篇而偷矣古文此下有汨作焉有九共九篇焉僞者 十也古文此下次咸 有 征卷七也其 篇 從

其篇之二十四曰高宗肜日卷十六也其篇之二十五 十四也其篇之二十一 也古文此下有肆命焉有原命焉偽者無之其篇之十 十三也此以湯時書而竄太甲時也其篇之十八日盤庚 卷同卷十二也古文無斯篇其篇之十七曰咸有一德卷 之此下有典資馬偽者無之其篇之十三 西伯戡黎卷十七也其篇之二十六日徽子卷十八也。 上其十九日盤庚中其二十日盤庚下三篇序同卷同卷 篇之二十七日泰醬上其二十八日泰酱中其二十九日 日太甲上其十五日太甲中其十六日太甲下三篇序同 二十三日說命下三篇序同卷同卷十五也古文無斯篇 日說命上其二十二日說命中其 一日伊訓卷十 四

国集性地域 不卷首 成卷二十一也其篇之三十二日供範卷二十二也其篇 七日康誥其三十八日酒誥其三十九日梓材三篇序同 偽者去之遂自爲古文泰醬也 不以其多所製平泰今文 卷同卷二十七也其篇之四十曰召誥卷二十八也其篇 十六日徽子之命卷二十六也古文無斯篇其篇之三十 二十四也其篇之三十五曰大誥卷二十五也其篇之三 之三十 三日旅獒卷二十三也其篇之三十四日金縢佬 作大其篇之三十日收蓄卷二十也其篇之三十一日武 泰誓下三篇序同卷同卷十九也蓋今文大誓馬氏疑之。 之四十一日洛誥卷二十九也其篇之四十二日多士卷 三十也其篇之四十三日無逸卷三十一也其篇之四,

尚曹集生述统 ₹ 经首 大名 官卷三十六也古文無斯篇其篇之四十九日君陳卷二 古文此下次費耆焉偽者竄之其篇之五十五日呂刑卷 篇之五十一日康王之誥卷三十九也其篇之五十二 四十三也其篇之五十六日文侯之命卷四十四也其篇 畢命卷四十也古文無斯篇其篇之五十三日君牙卷四 十七也古文無斯爲其篇之五十日顧命卷三十八也其 之五十七日費舊卷四十五也此以西周書而竄東周後 十一也古文無斯篇其篇之五十四曰囧命卷四十二也 其篇之四十七日立政卷三十五也其篇之四十八日周 十三也古文無斯篇其篇之四十六日多方卷三十四也 四日君魔卷三十二也其篇之四十五日蔡仲之命卷

序爲四十六卷乎別錄所謂五十八篇者合三十四與一 也其篇之五十八日泰舊卷四十六也此僞者以爲序異 十三乎逸古文二十四篇蓋十六卷也故漢志於其多爲 者卷異序同者卷同也此書疏以爲鄭注尚書亡逸竝與 是偽養合三十三與二十五為五十八篇也此其篇卷之 逸書者言得多十六篇今僞者乃以二十四爲二十五乎。 考睹今文者言以考二十九篇今僞者乃以三十四爲| 十四而言也古文三十四篇蓋二十九卷也故漢志於其 四十六卷者加序之數也去序則四十五也今僞者乃去 孔異也其篇之五十九日書序而卷不列焉夫漢志所謂 數若符而甚非也今文若康誥若酒誥若梓材皆序同而

志乎晉世祕府所存有古文尚書經文今無有傳者及永 文則敘之曰梅賾奏上孔傳古文尚書隋志所不如也然 所奏者言傳不言經也夫隋志亦唐之所脩爾豈若漢志 東晉豫章内史梅賾始得安國之傳奏之毛氏以爲志言 **嘉之亂歐陽大小夏侯尚書竝亡隋志旣云然矣又云至** 尚書冤詞將以反朱子之疑者也彼其妄言豈不託於隋 傳爾古文經則傳習在人非附傳而出也於是乎爲古文 乎隋志以爲經附於傳言傳則經在其中故言之略也同 伊訓若肆命皆序同而卷不同又何也此以知附傳之 卷不同則何也古文若**消作若**九共若大禹謨若妻稷若 文經其僞者二十五篇也毛氏奇齡謂梅賾所獻者特

合二十九篇以爲數十又宋左氏傳書敘爲作首尾凡百 張爾之僞乎漢書儒林傳云百兩篇沓出東萊張霸分析 府中古文能獨存乎志固不言其獨存也志先言古文絕 据志言之則古文經所傳今無有矣晉亂而眾家書亡祕 時 安言者亦不得而託也然則鄭所傳古文逸書何以知非 傳而後言始得安國之傳知古文經自其傳始得之也 百兩徵以中書校之非是霸辭受父父有弟子尉氏樊竝, 也顏氏謂天子所藏之書是也其中書而校古文者即 二篇篇或數簡文意淺陋成帝時求其古文者霸以能爲 其書此張霸之爲皆知其僞也敘與序通中書者祕 太中大夫平當侍御史周敞勸上存之後樊竝謀反迺

可考是上位42/公司 雖 偽也梅本則偽也經且偽矣於偽孔傳何不可平論語云 疏中亦自反其言而矛盾若斯哉是故古文逸書鄭本非 之徒漏之是馬鄭王本郎庸生本也亦即孔壁本也何 疏云衞賈馬所注者從壁中所出之古文即鄭注尚書也 **僞矣問氏云張霸書今不傳而論衡所引者猶有其文日** 與論語孔注皆不同也論語言湯之告天者今在僞古文 而於書疏則自反其言又以鄭所傳爲僞何也梅本堯典 云帝日我其試哉書疏云馬鄭王本皆無帝日當時庸 伊尹死大霧三日此何可令馬鄭見邪是也孔氏禮 有周親不如仁人此僞古文所爲泰誓者今泰誓孔 國家所獻之書也所謂中古文也故校之則無所逃其 大名 Ė 緇 衣

作者外沿近山大名 禹貢 湯 浩 適疏 今未聞以爲僞史也若夫孔傳地名。 煌。 論 **逷蓍之文蓋辩偽者辯之矣然循曰鄭禮注先用韓詩**。 之不可申者也蓋以漢志言之漢金城郡自昭帝始也 記云先王之制邦内畿服邦外侯服又云盈而不持則 與毛詩鄭箋不同也且孔注論語漢書亦不言之也安 之命孔傳則不諱啟爲開也辯僞者亦辯之矣然猶 語注不爲僞乎禮云詩書不諱臨文不諱此古禮也。 日邦日盈日啟皆諱焉故石經之殘邦書日國今徵 也孔傳非不以爲陽誥 孔傳云積石在金城 爾且洪适隸釋改之石經有執古禮以言漢灋者 西南是豈安國在武帝時 也論語孔法則以爲墨 或後於安國則 此 夘

果 竝 隋 踆 朱 įΙ 河 不 知 行。 志 左 平, 遂 祚。 浴 子 詳 學 古 方 倘 斤 也 漢 而 式。 · 硫 不 卷 首 文 今 梁 修 占 其 楯 循 鄭 學校置: 者。 陳 则 僞 孔 氏 未 鄭 减 城 基微 先 實晩 所講 也信 鄭康成書 傳 悉 縣 也 於 湹 궲 克。 焉。隋 哉。 北 出 释文云近惟崇 有孔鄭二家齊 孔也迫 侚 瀍 水 史藝文志則 而非蚤也 書 水 出 疏序云。 名 鄭 焉。 初始流 史 出 於隋 長古 魏 儒 河 林 南 河 孔傳 而 文 टा 傳 河 北 南 朔。晉 文 尙 \vec{z}_{s} 馬 古 代 文 微。 惟 之 書 梅 綖 ÌΙ 鄭 始 書荀 猶未 行。 馬 左 傳 雖 氏嬌蓋 孔 王 丼 凯和 鄭 圣 尚 始 鄭 跃 義至 城 博 崧 書 出。 傳 辨 똈 則 遂 迫 隋 各 云。元 始 孔 於 地 孔鄭 廢。 得 安 斯 帝

水 未 百 存 何 文 尚書。 普 也。 人也書 云。晉 存其一 肵 此君子之 而 郡 柳字洪 有者二十八篇。 **遂亡矣嗚呼不偽其偽而偽其不偽孰爲** ÷f 丽 大誓 太保 惜其亡也 子 故 作帝 爾。 汝 疏 肵 季即謐之 則終滅焉馬鄭王注亡不皆亡徒以引之 公鄭沙以古文 Ŧ 南 引 悲 梅賾 雖 王世紀往 **晉書皇甫謐傳云站子外弟** 可議。 蓋盤庚已下漢注存者希矣然則僞 也馬鄭王本自大誓而 楯 办 然詩不云 可以其存於梅 弟 往 也 授 載 爲 僚 季授 扶 孔 平。 章 傳 風 内史。 蘇 城 五 輸字体 陽城 + 木者稽 山之石。可以攻 八 遂 外其古文 篇 梁 於前晉 曹字彥始。 速其亡 預 柳邊得 預 爲 又 授 晉 古

其言則沖果何自而得古文乎其得古文在少若老之何 **傳亦不言其傳之也其殆爲王隱臧榮緒之晉書歟然如** 年也今晉書言沖與何晏等兵成論語集解上之 脩之於唐者也今晉書於諡 肅私見孔傳而祕之乎繇今攷之 徒皆謂之逸書王肅亦注今文而解大與古文相類或 以君陳說書云孝平朱氏所以 紀 **侧為夏太康時釋文云孔** m 施 平三年。 中 行焉又疏云王 鄭 小同俱被貨 沖拜司空及高貴 大名 一肅注書始似 停不言其得古文尚書於 氏之本絕是以馬 疑沖未見古文也今晉 所謂晉書者非今晉 同者康成之孫也然則 鄉公講尚 稱 見孔傳故注 ~然集 鄭 亂 冲

過 同左傳疏亦疑肅匿古文而不言也辯偽者皆据 古 氏 肵 沖 也 所從 間氏以爲僞古文藉謐名高而行其載於帝紀者謐 引夏書文而偽古文襲之也。 文 鄭義也今沖 以爲僞者非謐 所 年當謐之時。 講者必 左思 而爲今文所有者也豈徒 オイ 鄭 竹 都 書紀 何獨 安 賦。 得謐 知 則肅也經與傳皆一人偽之也彼 也。 年所 其非偽竹書者竹書與偽經說 授 孔書之 志 序行之當時況其有所載也。 謂 所以言髙 [徴其偽古文者文選 汲郡 蕭 相 五 類平亂其 古 左傳注與古文 文 篇 也 郷公難 平王注之 丽 出 於 (太康 此 晋 詭 太 康 同。

其罪 傳之文多拙疏與拙不同且偽傳有不得偽經之本意者。 成獄也將不如稱僞者以誅之 偽者尤多江氏以為當作俑於肅也雖然與孔達者安知其非故為異同以自揜也。 爲之而擊游於謐之門者且王肅 偽家語 馬安知 流 成 賊 賦 在. 別謂衡自注者。 矣春秋之義賊不得其主 衡後其注 注引孔傳 罪遂萬世無所逃其誅也偽孔書之文多疏。 三、製脈也。 其非偽古文以求勝 引鄭以爲言。 何也。 將以見衡之尊孔傳也蓋 俑於肅也雖然莫須有。 一此舊注而 則非衡自爲之矣擊虞文 也誅之日偽者。 名惟直書其賊之所 難 平。 鄭而恐不能勝 非衡自 其 解 丽 爲之也鄭 如 大 和類。 斯 惠 無 不 孔傳 **長疑肅** 可 也。 肵 而

他 **尊義將以偽扶偽也蓋偽者同時爲之也晉書言梁柳** 從字言從姑子外 唐。 也言前晉者書疏之文譌也。 者邊循所也若禮之言邊坐也史記鼂錯傳云受尚書。 盖 古文先儒典訓賈 所宋史云三老坐前其例也齊氏召南云邊衍文上脫 偽於其黨非必皆一人也孔叢子亦偽爲 而 傳云級上 舜典疏有大隨造律之 學置博士十九 言孔壁古文安國竝爲之傳又稱其傳曰臨 一碗日世 弟梁 馬鄭 柳得之爾蓋失邊之義而易其文 祖武皇帝崇 服 文亦其為也隨與隋通晉 孔王何顏尹之 非孔氏立於西晉也書疏 中師徒相 儒興學太學有石 爾漢志

分替長 自己化 へんす 也析言之日置尚書鄭氐古文尚書孔氐博士各一人。 疏於武帝之置博士也則未嘗析言之武帝本紀亦無言 鄭 有增則統敘其之而大言之爾故其傳於元帝之置博 矣此非承置博士而言也博士雖十九人豈能**徧置於九** 能半上疏請增之蓋崧在東晉時孔氏旣立据梅賾言自 言之元帝置博士鄭孔等惟九人崧以舊置十九人今未 氏古文佝書也或据以言前晉立孔氏者非也今以崧傳 氏之立者今以經次言之何氏晏則論語也 五傳如其所言弧傳而已然孰非在九州之中也崧 沖五傳 九州之中師徒相傳雖未置博士者亦在其中也。 而至蹟也則以爲武帝之世孔氏之徒相傳久 大名 一顏氏安 鄭 欲 其

作事生为为之的一先首 感也書舜典疏云東晉之初豫章内史梅隨上孔氏傳。 其自有之明文也尚何疑哉郭氏璞於爾雅釋太引孔 梅 使 預服氏像之左傳也是不皆次焉明其不皆立也蓋統 書宜矣然何以先於王氏弼之周易也又何以後於杜 則公羊傳也尹氏更始則穀梁傳也其先之以孔氏之 立 뻬 云犬高四 梅賾奏書必校之以祕府中古文矣其校之而是也 焉則將疑偽古文與西晉之祕府中古文同而妄言 **贖非即傳古文者乎隋志何以言今無有傳者其校** 非也則爲漢百兩篇之黜矣苟不辯於斯而以爲西 辭也且以隋志言之前晉祕府書之古文猶存當是 尺日葵於釋鳥鼠同穴舊引孔傳云共爲 時級 侚 此 則 氏 傳

安 者也安國通 疏言 也且疏言安國必不爲 長 孔注也漢書皆不言之也釋文言爲尚書音者四 又何也蓋 林。 國其先也釋文 也然 李長林 調璞 ľΙ 以參古文則 多記 人東晉本郡太守是 尤 疏所謂偽大誓者實伏 生今文大誓之 集注 今古文者也今文尚書之孔傳銜 有 而偽 所欺 疑 **尙書於僞大誓篇** 以為漢人不作音後 苔。 矣蓋 偽古文豈 释文云 彼偽書作傳不知 人其非偽 孔氏旣立之 尚書李願 知 梅蹟奏書者也書大 則有 每引孔安國日者 注十卷。 人所託爾。 [漢僞] 長 然後 孔本今文大 林 論 白 何由為 又 語孝 何

作罪男治 河南 野卷 崖 射 姓 肵 曾 日長 於 進卒宋書體志引晉安帝義熙二年僕射孔安國之議蓋 之徒將託於、經以希祿賜名高雖多爲之僞彼無畏焉。 稽 易傳若偽魯詩說若宋偽孫夷孟子疏此偽 名錄也春秋之 作乎雖然姓 爲孝武侍中劉孝弘注引續晉陽秋云孔安團字安園。 明婚有豐坊之 山陰 林 **傷孟子逸篇若隋偽孝經閨門章此僞經者若** 殷祭之禮也此晉孔安國名以字行者也其自 所引者晉人孔安國非漢人也世說新語云孔僕 人以儒素見稱應侍中太常尚書遷左僕射 名 1同矣此汪氏》 義疑以傳疑。 偽石經書今文偽海外書古文也。 信以傳信姓名同 輝祖所以有二 十四 經說者。 餂利

诗事渠主此流平长宇 大名 師棘 經 微鼠者豈不復爲孔壁本古文所參於伏生壁本今文之 故 本亦然 也夫馬鄭本立於學官旣久天下之士孰 八篇低古文者二十五篇也以馬鄭不注逸篇散 八篇固取諸馬鄭本也昭昭然矣今幸循有所据而去其 兵是也其所竄必不敢多者其勢使然也故 裁謂偽者安肯與馬鄭不類以及天下之疑 梅本與馬鄭異同今見於釋文書疏者皆可改也雖王哉如是則庶幾乎孔子之經也當東晉時馬鄭本皆存 所 而偽之爾自大誓而外其古文爲今文所有者 下生之所傳者乎使僞者 以傳信 也然 則倘書 何 而多竄焉則自敗矣。 馬鄭本平夫梅本 Ę (而動 於損益 知

イーコーイフ・ア・スフローノイブコー 尤 議日舜典首有日若稽古、伏生雖昬耄何容合之蓋据 則 所疑者疑之 馬鄭本疑之 鄭 舜典首日若稽古巳下二十八字者則在梅蹟 之本也姚本所加者梁之博士則以是議之而不用矣。 合者。則分之而已其慎**徽**五典已上則一 亦分之而已其棄稷之篇竄而爲益稷也則一字之竄 偽者之巧也其他篇則不多竄也故於皋陶謨之合者 本疑之也以此知梅本之僞巧於姚本其能使人不 諸其篇暨盆之文也岩斯者蓋 不疑其偽古文大誓也則反於今文疑之矣此 乃去其篇遂兼取大誓在今文外者而自 微竄則有之矣。 一字不 加馬其 馬

句髻集主述统べ卷首 字者。 策皆二尺四寸孝經謙半之 校 也。 **攷之酒誥召誥其義** 到 者若以疾然去其邪則止矣儻攻之過不亦傷乎漢志云。 本 偤 Ż 此 則未察之獨至於今爾論語鄭序 =:4-11[1 间 焉後漢書周磐 脱亦二十二字文字異者七百有餘脫字數十。 脫簡二率簡二十五字者脫亦二十五字簡二 失者以易之會亦思其有馬鄭本之善者那夫辯 馬鄭本之善也洛誥之首其脫 IJ, 有 中古玄校歐陽 所 据 而去之也辯偽者以爲其必多竄焉反 傳云編二 大名 加新當 大小夏侯三家經文酒誥脫 一尺四寸簡寫堯典一 論語八寸策者三分居一 無脫者諸篇密理今非關 **云易詩書禮樂春** 簡者自書序已 言 一然劉 繇今 簢 如

序云熹平四年詔諸儒正定五經刊於石碑爲古玄篆隸 字之多寡不同而相校之數則無不同也後漢書儒林 裡 經 此 則從今文其存於洪氏隸釋者未悉泯也然今文多譌脫。 目 削 三體書屬以相參檢樹之學門此漢石經也蒸邕傳謂 今文字讀之蓋若杜子春二 書丹是也蓋異乎唐書護唐石經之蕪者矣漢石經書 與說文多不同此安國以隸讀易古文也故漢書云。 從今文。經本參古文蓋有繇也今經或異文必悉据石 劉歆移書所謂初出屋壁朽折散絕者也馬鄭之注篇 以易之是於不譌脫者而反傷之也說文書侢古文今 編之則爲策矣今以言漢志蓋經 一鄭讀易周官故書者也 師之本簡之長短 同。 僔

尚曹集生 並流へ 於首 也崇文總目云宋 御從迓者也夫悲與恭通其義猶存也御之義爲治爲迓。 鄭氏樵通志云改古隸而從今文是也蓋若改共從恭改 隸書也唐所謂古文耆隸書也今文者世所通用字也故 唐書藝文志云天寶三載詔集賢學士衞包改古文從 之其不合者謂之野書此非梅本之舊也然釋文猶未 文馬氏端臨文獻通考云漢所謂古文者科斗書今文 訳 適其用也漢循近古且 通禦焉以迓立文則其義不兼存矣凡此之類當 文則傷於用之難矣段氏云周官不得盡從故書 不得盡從說文是也然而今梅本之文有非其舊者。 開 大名 寶中部以陸德明所釋尚書乃古文 謧 易古文况在今平江氏 、
必
改 時 則 尚

用 志言袁徽與荀彧書稱士燮曰交趾士府君達於從政。 也嗚呼經術苟明辯僞而通大義富哉其尚書之用乎。 在也宋志錄馬融忠經則有引東晉古文者皆僞中之 襲古篆爲之也薛季宣采之爲書古文訓則東晉古文 於 書兼通古今大義詳備蓋謂燮當三國兵爭竟以通經 郭忠恕爲古文尚書釋文。 幸存疏中爾此辯僞眷不可不察也迨於宋而僞又生 與唐所定今文異合陳鄂刪定焉改從今文則梅本 至 也。或 十餘萬言但說曰若稽古三萬言蓋譏之也今於尙 釋文者亦改之矣書牧醬疏云王肅讀御爲禦今其文 白種 譚新論云素近君能說堯典篇目兩字之 ,非陸氏釋文也其所謂古文 之存 焉。 侚 皆 致 偽

皮書 南部長主本衛大化事 大名 原目 堯典 **旣釋諸篇將灋左傳杜解序穀梁范氏房。而爲之序也則 略於文應使其如史記八書漢書十志以史敘一事者變** 而敘經之大名不倍宜其讀邪今自欬遷延末繇從之惟 則不可也始欲以斯言者條而分之如王氏易略例也旣 大名下宜有說焉姑暋於斯爾 下者若禮記大名下其衮衮言之也然禮疏博且詳矣而 無以使疏中如有譜也且經師之傳諸經疏多言於大名 而念條分則難貫矣据今古文以明偽者非互詳其篇目 大名下何其長言之不足歟是不得已也是不言之若斯

店 書	微子	西伯戡黎	高宗肜日	盤庚	湯哲	商書	甘誓	馬 貫	夏書	皋陶謨	A STATE OF THE PERSON OF THE P
											Ī

打事屋 目にれ 人名山	多士	洛 誥	召誥	梓材	酒諸	康誥	大誥	金縢	洪範	牧誓	大酱	
原目												
ND1												

也。 也月二十九篇皆古文絅寫今	秦誓	文侯之命	呂刑	暫	顧命	立政	多方	君奭	無逸	作曹有为之义的人失重
八篇皆古文紹為今文別有之篇										**************************************

打片色生化花 / 30-19 原日			销誓皆失其次也令詳本篇 巡日此二十九篇有傳之而失其次者若多
			本篇之而失其次者若多士若多方若

門弟子校栞於讀書堂	尚書集 述
	4 - 1 - 1 - 1 - 1 - 1 - 1 - 1 - 1 - 1 -